

Majlis Ramah Mesra himpun Alumni UMS Chapter Tawau

UB 6.4.2018 B8

TAWAU: Majlis Ramah Mesra Alumni Universiti Malaysia Sabah (UMS) Chapter Tawau telah menghimpunkan para alumni UMS Zon Tawau yang turut melibatkan diri dalam pelbagai aktiviti yang diadakan bersama komuniti Tawau.

Antara aktiviti yang diadakan adalah pertandingan karaoke dan mewarna bagi kanak-kanak di bawah 12 tahun, selain pertandingan karaoke terbuka bagi warga Tawau yang mendapat penyertaan seramai 40 orang.

Turut diadakan satu sesi perkongsian bijak UMS/Alumni bersama para Alumni Zon Tawau yang disampaikan oleh Pengarah Pusat Alumni UMS Darwis Awang.

Kemuncak program adalah Majlis Makan Malam bersama Timbalan Menteri Pendidikan Tinggi Datuk Mary Yap Kain Ching yang berlangsung di sebuah hotel di sini.

Pada malam itu, Mary turut menyempurnakan acara penyerahan wafikah pelantikan Ketua Chapter Alumni Zon Tawau



MARY (tengah) menyempurnakan penyerahan sumbangan kepada SK Sentosa daripada Yayasan Sukarelawan Siswa UMS sambil diperhatikan Ismail (dua kiri) dan Darwis (kanan).

kepada Norazidah Pilus, serta menyampaikan penyerahan sumbangan berbentuk peralatan komputer daripada Yayasan Sukarelawan Siswa UMS kepada Sekolah Kebangsaan Sentosa.

Dalam pada itu, beliau berharap agar para

alumni dapat mengambil kesempatan untuk mengadakan jaringan kerjasama dan mengeratkan lagi hubungan sesama para alumni.

“Kesempatan berhimpun ini juga harus dimanfaatkan untuk penganjuran aktiviti kebudayaan, pendidikan dan

kemasyarakatan bersama warga Tawau,” katanya.

Lebih 400 orang hadir pada majlis makan malam itu yang turut dihadiri Timbalan Naib Canselor



MARY (dua kiri) menyampaikan wafikah pelantikan Ketua Chapter Alumni Tawau kepada Norazidah (dua kanan) sambil diperhatikan Ismail (kiri) dan Darwis (kanan).

Hal Ehwal Pelajar dan Alumni UMS Prof Dr Ismail Ali.



JOHAN karaoke kanak-kanak di bawah 12 tahun, Intan Zulaikha Adnan (tengah) menerima hadiah yang disampaikan Alumni UMS Tawau Nur Fatihah Luciana Benjamin Abdullah (kanan) selaku ketua juri pertandingan sambil diperhatikan Darwis (kiri).



PEMENANG pertandingan mewarna kanak-kanak bawah 12 tahun, Putri Aleesya Bkaskan menerima hadiah yang disampaikan Pensyarah Fakulti Kemanusiaan, Seni dan Warisan UMS Dr Mohd Puad Bebit.



MARY bergambar ramai dengan Alumni UMS dan para tetamu jempuan.